

Il Scarnuz grischun sa fa independent

Il Scarnuz grischun vegn distinguì cun il certificat d'alpinavera

■ (mc) Cun il «Scarnuz grischun» èsi reussi a puras grischunas da conquistar entaifer ils ultims quindisch onns il martgà da victualias agraras ord ina regiun muntagnarda. Dapi ils 18 d'avust è il «Scarnuz grischun» ina atgna marca che porta il certificat da qualidad d'alpinavera. Tgi n'enconuscha betg oz ils bels scarnuzs cun specialitads tradiziunalas che vegnan producidas da famiglias purilas en differentas regiuns da noss chantun. En il medem mument e Scarnuz grischun era l'organisaziun da puras che venda lur chanastrers da regal a moda professiunala. Las tschintg gruppas regiunalas dalla Surselva, Alvra-Surses, Viamala, Tavau e Purtenza che dumbran en tut 39 commembras produceschan rodund 120 products differents. Las ingredienzas derivan per gronda part da l'agen manaschi puril ni ord la proxima vischinonza e satisfan a las autas pretensiuns da qualidad che èn stipuladas en las directivas per products regiunals.

Certificat da alpinavera

Dacuort han las menadras dallas gruppas regiunalas da Scarnuz grischun astgau retscheiver il certificat da qualidad che ei vegnius surdaus dil parsura d'alpinavera *Corsin Farrér*. Sco quei che la parsura da Scarnuz grischun *Jacqueline Baumer Müri* ha dit saja il motto da formar in regal cun products regiunals e sche pussaivel ord l'atgna produczium stà l'idea fundamentala da l'organisaziun da Scarnuz grischun. La certificaziun per products regiunals accentueschia questa intenziun. Il Scarnuz grischun è l'emprima purschida da pro-



ducts da las regiuns muntagnardas svizas che vegn certificà. La via a la certificaziun saja stada lunga e stantusa. Tonpli sajan ins ussa losch e satisfatg d'avair cuntanschì questa finamira cun l'agid dal team d'alpinavera. Quest certificat documenteschia che ils products agrars da Scarnuz grischun pon satisfar a las pretensiuns dil martgà da victualias modern. Quai augmentia la confidanza da sasez e motiveschia da controllar ed optimar permanentamain la qualidad dals products dal Scarnuz.

Il certificat garantescha che almain 75 pertschient dals products certitfgads derivan da la regiun e ch'il retgav va per gronda part en ils manaschis purils. Per

ch'ils products corrispundian a las directivas per products regiunals han ins tschertgà la cooperaziun cun alpinavera. Tut ils products dil Scarnuz grischun ein vegni examinads e renonuschids tras *Sara Zürcher* da q.inspecta.

«Quai è ina prestaziun extraordinaria. Jau sun losch da la buna lavur e da la cardientscha en ina visiun e da la perseveranza da realisar quella», ha dit *Corsin Farrér*, il parsura actual dal cussegl grond.

Plantahof relascha marca Scarnuz grischun a l'indipendenza

Las dunnas dal Scarnuz grischun han dentant già motiv dubel da far festa. *Cur-*

din Foppa, il manader da la cussegliaziun purila al Plantahof, ha surdà ils dretgs dal Scarnuz grischun che appartenevan fin qua a la cussegliaziun purila a la Cuminonza d'interess Scarnuz grischun. Fin qua n'avevan las producentas dal Scarnuz grischun nagina furma d'organisaziun e negina marca protegida giuridicamain. Per impedir chi dettia imitatur da quest excellent product haja la cussegliaziun purila che saja stada involvida gia dal cumenzament en la sviluppaziun dal product annunzià la marca a l'Institut per proprietad spirtala a Berna. Da nov è la Cuminonza d'interess Scarnuz grischun en possess da questa patenta.

Loschs d'in product indigen che porta in retgav supplementar per ils manaschis purils: da san. *Corsin Farrér*, *Jacqueline Baumer Müri* e *Curdin Foppa*.

FOTO C GUIDON